



Txhua Yam Rau Cov Me Nyuam (All in for Kids)

Lub Khoos Kas Txhawb Pab Mus Ntev Rau Cov Me Nyuam Yaus (CLTS) Tsab Ntawv Xov Xwm Rau Tsev Neeg

Txhua Yam Rau Cov Me Nyuam (All in for Kids): Lub Khoos Kas CLTS yog ib tsab ntawv xov xwm uas pab ceeb toom qhia kom koj thiab koj tsev neeg paub txog Lub Khoos Kas CLTS. Tsab ntawv xov xwm no yog luam tawm los ntawm Wisconsin Department of Health Services (DHS).

Qhov zoo ntawm tsev neeg: Liel coj nws lub peev xwm mus nthuav tawm rau saum lub sam thiaj loj

Liel yeej ib txwm nyiam suab paj nruag. Nws tau pib ntaus piano thaum nws nyuam qhuav muaj 2 xyoo xwb, yog li ntawd nws yeej tsis yog ib qho txawv txav hlo li uas nws tsev neeg nyuam qhuav paub tsis ntev los no tias nws muaj lub peev xwm txog kev cim thiab zeem tawm cov suab paj nruag tau zoo heev! Nrog txoj kev mob siab thiab kev muaj peev xwm fab kev ntaus piano, ces Liel tus neeg dhia dej num kev txhawb pab thiab kev pab cuam (SSC) hauv Lub Khoos Kas CLTS los ntawm Nroog Milwaukee thiaj li paub tias nws yog txoj hau kev tawm zoo tshaj plaws los pab kom Liel loj hlob thiab ci ntsa iab tuaj mus.

Thaum nyuam qhuav muaj hnuv nyoog 6 xyoo xwb, Liel yeej tau mus phiaj yeeg txog nws txoj kev muaj peev xwm nyob rau Lub Rooj Sab Laj Txog Kev Mob Hlwb Taj Xyoo 2025 hauv Wisconsin Dells lawm. Kev tau los mus sawv

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

rau ntawm khwv yees li 100 leej neeg tuaj koom hauv ntej yeej yog qhov txaus ntshai, tab sis nws yeej tau kov yeej nws txoj kev ntshai thiab ua hauj lwm tau zoo kawg nkaus li! Nws tseem puav leej tuaj yeem ua tau raug ib tug qhua tshwj xeeb LeRoy Butler tuaj ntawm Green Bay Packers, uas tau tuaj koom lub rooj sab laj no siab heev.

Tam sim no Liel tau kawm nyob rau hauv ib lub yeej caij ntuj sov uas muab los ntawm School of Rock, uas yog ib lub chaw muab kev pab cuam rau Lub Khoos Kas CLTS. Nws tsev neeg muaj lus zoo siab ua tsaug rau Lub Khoos Kas CLTS uas tau pab Liel nrhiav txoj hau kev los txhom kho nws cov txuj ci kev ntaus suab paj nruag thiab nrhiav lub cib fim los nthuav tawm nws lub peev xwm, tag nrho txhua yam yog tau txais kev pab fab nyiaj txiag los ntawm Lub Khoos Kas CLTS. ❖



Kawm paub txog cov neeg dhia dej num kev txhawb pab thiab kev pab cuam

Cov neeg dhia dej num kev txhawb pab thiab kev pab cuam (SSCs) yeej nyob ntawm no los pab koj! Cov kws tshaj lij no yog cov neeg tseem ceeb uas koj tsev neeg yuav tiv tauj rau hauv Lub Khoos Kas CLTS. Tus SSC yuav tuaj ntsib koj thiab koj tsev neeg kom paub txog koj tus me nyuam tej kev xav tau tshwj xeeb, yam uas nws ua tau zoo, thiab cov txiaj ntsig thiab pab koj txiav txim siab txog cov kev pab cuam thiab kev txhawb pab uas yuav pab ua kom tiav lawv cov hom phiaj. Tsis tas li xwb, lawv kuj tseem yuav kawm kom paub txog koj tsev neeg txoj kab lig kev cai thiab yam uas tsev neeg saib tsim nuj muaj nqis thiab yam uas koj tus me nyuam xav tau los pab kom tau txais txiaj ntsig zoo tshaj plaws.

Koj yuav sib cog ua hauj lwm ua ke nrog koj tus SSC los ua ib pab neeg los tsim ib txoj phiaj xwm kev pab cuam tshwj xeeb rau koj tus me nyuam uas yuav tsom mus rau kev ua kom tiav cov txiaj ntsig uas koj thiab pab neeg teev tseg. Koj yuav siv ib txoj hau kev hu ua Kev Sib Cog Txiav Txim Siab Ua Ke, uas yuav muaj koj tsev neeg tej kev xav thiab txoj hau kev zoo tshaj plaws los txhawb pab koj tus me nyuam thiab tsev neeg. Kawm paub ntau ntxiv thiab nrhiav cov ntaub ntawv uas muaj txiaj ntsig hauv [Phau Ntawv Qhia txog Kev Sib Cog Txiav Txim Siab Ua Ke, P-02246](https://dhs.wi.gov/library/collection/p-02246) (dhs.wi.gov/library/collection/p-02246).

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Cov SSCs yuav pab cov tsev neeg li cas?

Cov SSCs:

- Pab koj tsev neeg txiav txim siab txog cov txiaj ntsig rau koj tus me nyuam thiab koj tsev neeg ua ke.
- Koom tes nrog koj los pab txiav txim siab txog tej kev txhawb pab thiab kev pab cuam uas yuav pab ua kom tau raws li koj tus me nyuam thiab tsev neeg cov txiaj ntsig uas xav tau.
- Pab koj tsev neeg nrhiav cov kws kho mob uas tau txais kev pom zoo thiab muaj kev txawj tsim nyog los ua kom tau raws li koj tus me nyuam cov txiaj ntsig uas xav tau.
- Tshuaj xyuas koj thiab koj cov neeg muab kev pab cuam kom ntseeg tau tias cov kev pab cuam thiab cov kev txhawb pab yeej pab tau. Yog tsis tuaj yeem pab tau, ces cov SSCs yuav tuaj yeem pab koj muab hloov pauv tau.
- Txhawb pab koj tsev neeg los hwj xwm kom koj tus me nyuam muaj kev nyab xeeb thiab noj qab nyob zoo hauv koj lub tsev thiab lub zej zog.
- Pab koj tus me nyuam thoob plaws txhua ncua kev hloov pauv thiab kev hloov kho lub neej, xws li kev nrhiav hauj lwm los sis hloov tawm ntawm Lub Khoos Kas CLTS thaum tsim nyog.
- Coj koj mus rau cov peev txheej thiab cov khoos kas uas muaj dhau los ntawm lwm cov khoos kas thiab cov peev txheej hauv zej zog. ❖

Kev hloov kho tshiab rau kev txhawb lub zog loj thiab kev pab txhawb nqa tus neeg saib xyuas

Lub Khoos Kas CLTS muaj lub hom phiaj los muab kev txhawb pab rau koj tus me nyuam thiab tsev neeg kom ntau tshaj plaws li ntau tau. Tag nrho txhua yam kev txhawb pab thiab kev pab cuam yuav tsum tau ua raws li cov cai rau lub khoos kas. Thaum cov kev pab cuam tsis ua raws li txoj cai, ces peb yuav tsum tau muab hloov kho tshiab kom lub khoos kas thiaj li tuaj yeem muab kev pab rau koj txuas ntxiv mus.

Peb tab tom hloov kho txoj hau kev muab Lub Khoos Kas CLTS ob yam kev pab cuam:

- Kev txhawb lub zog loj thiab kev txhawb pab kev txiav txim siab los ntawm tus kheej
- Cov kev txhawb pab thiab kev pab cuam rau tus neeg saib xyuas uas yog neeg hauv tsev neeg/tus neeg saib xyuas uas tsis tau txais kev them nyiaj



Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Hais txog kev txhawb lub zog loj thiab kev txhawb pab kev txiav txim siab los ntawm tus kheej

Kev txhawb lub zog loj thiab kev txhawb pab kev txiav txim siab los ntawm tus kheej yuav pab koj tus me nyuam, koj tsev neeg, thiab cov neeg saib xyuas uas tsis tau txais kev them nyiaj hauv koj tus me nyuam lub neej kawm paub txog txoj hau kev txhawb pab koj tus me nyuam hauv kev txhim kho kev tawm tswv yim rau tus kheej thiab kev txawj ua lub neej ywj pheej. Qhov kev pab cuam no yuav tsum txuas ncaj qha rau qhov txiaj ntsig hais txog kev ua kom koj tus me nyuam muaj peev xwm nthuav qhia txog lawv tus kheej tej kev xav, tej hom phiaj, thiab tej kev ntshaw los coj qhia lawv tej kev txhawb pab thiab kev pab cuam kom ywj pheej ntau dua qub tuaj.

Qhov kev pab cuam no muaj:

- Cov chav kawm rau kev cob qhia.
- Cov rooj sab laj.
- Cov phau ntawv.
- Lwm cov ntaub ntawv fab kev kawm.

Qhov kev pab cuam no **tsis** muaj:

- Kev txhawb pab ib tauj ib ntawm koj tus me nyuam thiab tus neeg muab kev pab.
- Cov kev pab cuam uas haum tshaj plaws hauv lwm qhov kev pab cuam ntawm Lub Khoos Kas CLTS, xws li kev txhim kho kev txawj txuj ci, yam uas yuav haum tshaj plaws rau cov txuj ci kev ua neej txhua hnuv.
- Cov kev pab cuam thiab kev txhawb pab uas yuav tau txais los ntawm lwm cov kev pab duav nqi los sis lwm lub chaw, xws li ForwardHealth, koj tus me nyuam lub tsev kawm ntawv, los sis Division of Vocational Rehabilitation.

Hais txog cov kev txhawb pab thiab kev pab cuam rau tus neeg saib xyuas uas yog neeg hauv tsev neeg/tus neeg saib xyuas uas tsis tau txais kev them nyiaj

Lub Khoos Kas CLTS tuaj yeem pab cov niam cov txiv thiab cov neeg saib xyuas uas tsis tau txais kev them nqi txog kev tsim kom lawv muaj kev ntseeg siab txog kev txhawb pab thiab kev saib xyuas koj tus me nyuam. Qhov kev pab cuam no yuav tsum cuam tshuam ncaj qha rau lub luag hauj lwm kev saib xyuas thiab kev kawm cov txuj ci tshiab ntsig txog koj tus me nyuam txoj kev xiam oob qhab. Cov kev txhawb pab thiab kev pab cuam rau kev saib xyuas no yuav pab cov niam cov txiv thiab cov neeg saib xyuas uas tsis tau txais kev them nqi:

- Kawm cov tswv yim tshiab txog kev tu me nyuam/kev saib xyuas.
- Kawm cov txuj ci tshiab los tswj cov teeb meem nyuaj.
- Tsim kom muaj txoj kev ntseeg siab uas tuaj yeem txhawb nqa koj tus me nyuam txoj kev loj hlob thiab kev ywj pheej.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Qhov kev pab cuam no muaj:

- Cov koom txoos kev cob qhia.
- Cov ntaub ntawv peev txheej pab.
- Cov pab pawg txhawb pab.
- Cov rooj sab laj.

Qhov kev pab cuam no **tsis** muaj:

- Kev txhawb pab ib tauj ib ntawm koj tus me nyuam thiab tus neeg muab kev pab.
- Cov kev pab cuam thiab kev txhawb pab uas yuav tau txais los ntawm lwm cov kev pab duav nqi los sis lwm lub chaw, xws li ForwardHealth, koj tus me nyuam lub tsev kawm ntawv, los sis Division of Vocational Rehabilitation.

Qhov no txhais tau li cas rau kuv?

Yog koj tau txais ib los sis tag nrho ob qho kev pab cuam no tib si, ces koj yuav tuaj yeem muab hloov mus ua kom tau raws li cov cai rau lub khoos kas. Tej zaum qhov no yuav txhais hais tias:

- Kev rhais mus rau lwm qhov kev pab cuam hauv Lub Khoos Kas CLTS uas haum rau koj tus me nyuam tej kev xav tau ntau dua.
- Ua hauj lwm nrog tus neeg muab kev pab tshiab, thiab muaj kev txawj tsim nyog uas tuaj yeem muab qhov kev pab cuam no tau.
- Kev tau txais kev pab cuam dhau los ntawm lwm qhov kev pab duav nqi los sis lwm lub chaw sib txawv.

Puas muaj tej yam kev zam dab tsi?

Muaj, koj tuaj yeem tau txais kev txhawb pab rau leej niam leej txiv ib tauj ib yam sib txuas zus tau. Qee zaum qhov no yuav muab hu ua tus kws cob qhia rau leej niam leej txiv los sis tus neeg txhawb pab leej niam leej txiv. Qhov no yog tau txais dhau los ntawm cov kev txhawb pab thiab kev pab cuam rau tus neeg saib xyuas uas yog neeg hauv tsev neeg/tus neeg saib xyuas uas tsis tau txais kev them nyiaj. Ntawm no yog cov cai rau kev hwj xwm qhov kev txhawb pab dhau los ntawm Lub Khoos Kas CLTS no tseg cia:

- Koj yuav tsum tsis muaj peev xwm tau txais qhov kev pab cuam no dhau los ntawm lwm yam kev pab duav nqi los sis kev pab cuam, xws li ForwardHealth.
- Tsis tuaj yeem muab coj mus siv tag nrho los txhawb pab tus neeg saib xyuas uas tsis tau txais kev pab them nqi tej kev xav tau fab kev puas siab puas ntsws thiab yuav tsum muaj feem cuam tshuam ncaj qha rau lawv lub luag hauj lwm kev saib xyuas yam uas koj tus me nyuam xav tau.
- Nws yog ib qho kev pab cuam uas koj los sis lwm tus neeg saib xyuas uas tsis tau txais kev pab them nqi tau txais; nws tsis yog ib qho kev pab cuam rau koj tus me nyuam.
- Qhov no tsis muab coj mus siv ua hauj lwm rau koj tus me nyuam qhov program kev kawm rau tus kheej (IEP).

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Koj tus neeg dhia dej num kev txhawb pab thiab kev pab cuam yuav xyuas kom ntseeg tias cov txiaj ntsig uas koj ua tau thiab qhov kev pab cuam yeej ua tau raws li cov cai rau lub khoos kas kom tuaj yeem hwj xwm qhov kev txhawb pab dhau los ntawm Lub Khoos Kas CLTS no cia tau. ❖

Cov neeg muab kev pab thiab cov chaw sawv cev ua hauj lwm hauv lub nroog yog cov neeg muaj lub luag hauj lwm tseem ceeb hauv koj pab neeg

Kev nyob rau hauv Lub Khoos Kas CLTS txhais tau tias koj yog ib feem ntawm pab neeg lawm. Txhua tus neeg hauv pab neeg yuav ua hauj lwm los txhawb pab koj tus me nyuam txog tej yam uas nws xav tau. Txhua tus neeg hauv pab neeg no yeej puav leej nyias muaj nyias lub luag hauj lwm. Cov chaw sawv cev ua hauj lwm hauv lub nroog thiab cov neeg muab kev pab yog ib feem ntawm koj pab neeg. Kawm paub txog lawv lub luag hauj lwm kom koj thiaj li tau txais txiaj ntsig ntau tshaj plaws los ntawm koj pab neeg thiab paub tias yuav ua li cas yog tias muaj teeb meem tshwm sim.

Lub chaw sawv cev ua hauj lwm hauv lub nroog lub luag hauj lwm

DHS cog lus nrog txhua lub chaw sawv cev ua hauj lwm saib xyuas kev pab cuam tib neeg hauv lub nroog los muab Lub Khoos Kas CLTS hauv cheeb tsam. Lub chaw sawv cev ua hauj lwm hauv koj lub nroog yuav muab koj txuas mus rau ib tug SSC. Tus neeg no yog koj tus khub koom tes ib tauj ib thiab yog tus neeg tseem ceeb uas koj yuav tsum tau tiv tauj.

Lub chaw sawv cev ua hauj lwm hauv koj lub nroog muaj lub luag hauj lwm thaj tsob rau:

- Kev tso cai thiab kev saib xyuas Lub Khoos Kas CLTS cov kev txhawb pab thiab kev pab cuam.
- Kev ua kom ntseeg tau tias koj yeej tau txais kev pab cuam zoo los ntawm cov neeg muab kev pab rau Lub Khoos Kas CLTS lawm.
- Kev xyuas kom ntseeg tau tias cov neeg muab kev pab yeej ua raws li cov cai rau lub khoos kas thiab yeej muab cov kev pab cuam zoo lawm.
- Kev pab koj thaum tus neeg muab kev pab tsis ua raws li cov cai.
- Kev teb cov lus taw qhia rov qab los ntawm koj, koj tus me nyuam, thiab cov SSCs thaum cov neeg muab kev pab ua hauj lwm tsis zoo, tsis tau txais kev cob qhia zoo tsim nyog, los sis tsis muab cov kev pab cuam zoo.
- Kev tshaj qhia cov teeb meem txog kev noj qab haus huv, kev nyab xeeb, los sis cov cai mus rau Wisconsin Department of Health Services (DHS).

Cov peev txheej uas muaj txiaj ntsig

[Phau Ntawv Qhia Rau Tus Neeg](#)

[Koom thiab Tsev Neeg ntawm Lub](#)

[Khoos Kas CLTS, P-03689](#) (dhs.

[wi.gov/library/collection/p-03689](https://www.wisconsin.gov/library/collection/p-03689))

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Lub chaw sawv cev ua hauj lwm hauv koj lub nroog nyob ntawm no los pab koj daws tej kev txhawj nrog cov neeg muab kev pab. Lawv yuav ua hauj lwm nrog koj thiab tus neeg muab kev pab. Qhov no yuav suav nrog kev kho kev sib raug zoo, kev tham txog yam uas koj xav tau los sis yuav tsum tau txais, thiab kev nrhiav cov hau kev daws teeb meem. Nco ntsoov tshaj qhia tej kev txhawj xeeb hais txog cov hauv qab no mus rau lub chaw sawv cev ua hauj lwm hauv koj lub nroog tas li:

- **Kev coj ua tsis zoo**—koj yuav tuaj yeem hais tias:
 - “Kuv tus neeg muab kev pab pheej nquag tuaj lig rau wb qhov kev teem caij sib ntsib.”
 - “Kuv yeej tsis tuaj yeem tiv tauj kuv tus neeg muab kev pab tau hlo li.”
 - “Tus neeg saib xyuas wb tus me nyuam siv cov lus tsis tsim nyog.”
- **Muaj kev cob qhia tsis txaus**—koj yuav tuaj yeem hais tias:
 - “Kuv tsis paub tias xyov kuv tus me nyuam yuav ua dab tsi nyob rau txhua hnuv, zoo li muaj kev hloov pauv txhua zaub uas peb sib ntsib.”
 - “Kuv tus neeg muab kev pab tsis nkag siab txog tej yam uas kuv tus me nyuam xav tau.”
 - “Kuv yeej tsis paub tseeb li tias xyov kuv tus neeg saib xyuas puas paub yuav muab kev pab saib xyuas rau kev so ib vuag li cas.”
- **Qhov muaj txiaj ntsig zoo ntawm kev pab cuam**—koj yuav tuaj yeem hais tias:
 - “Qhov kev txhawb pab uas kuv tau txais los ntawm tus neeg muab kev pab hauv Lub Khoos Kas CLTS no tsis tuaj yeem pab tau kuv mus ntxiv lawm.”
 - “Kuv tus me nyuam yeej tsis muaj kev vam meej nce qib mus rau nws cov hom phiaj txij li thaum tau txais qhov kev pab cuam no.”
 - “Kuv xav tias kuv tus me nyuam yuav tsum tau txais lwm yam kev pab cuam txawv.”

Tus neeg muab kev pab lub luag hauj lwm

Cov neeg muab kev pab hauv Lub Khoos Kas CLTS yuav muab cov kev pab cuam tseem ceeb uas koj tus me nyuam thiab tsev neeg xav tau kom muaj kev vam meej loj hlob hauv tsev los sis hauv koj lub zej zog. Cov neeg muab kev pab uas tau teev npe nkag rau hauv Lub Khoos Kas CLTS yuav ua hauj lwm hnyav los muab kev saib xyuas kom zoo. Koj yuav tsum ntsib tej yam zoo txhua zaub uas nej sib ntsib. Yog tias koj tsis ntsib tej yam zoo li ntawd, ces cov chaw sawv cev ua hauj lwm hauv lub nroog thiab cov neeg muab kev pab yuav ua hauj lwm los kho kom nws zoo dua qub tuaj. Peb muaj cov cai rau cov neeg muab kev pab hais txog txoj hau kev muab kev pab cuam thiab ua hauj lwm nrog koj tsev neeg. Lawv yuav tsum paub thiab nkag siab txog txhua txoj cai rau lub khoos kas.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Koj cov neeg muab kev pab muaj lub luag hauj lwm thaj tsob rau:

- Kev xyuas kom ntseeg tau tias koj tus me nyuam muaj kev nyab xeeb. Cov neeg muab kev pab yuav tsum tshaj qhia tej xwm txheej uas yuav ua rau muaj kev phom sij rau koj tus me nyuam mus rau lub chaw sawv cev ua hauj lwm hauv koj lub nroog. Lub chaw sawv cev ua hauj lwm hauv koj lub nroog yuav tshaj qhia tej xwm txheej no rau DHS. Lawv kuj tseem yuav ua hauj lwm nrog koj thiab koj cov neeg muab kev pab los zam kom tsis txhob muaj ntau yam xwm txheej ntxiv.
- Kev muab cov kev pab cuam zoo rau koj tus me nyuam thiab tsev neeg. Cov kev pab cuam yuav tsum ua tau raws li koj tus me nyuam cov txiaj ntsig thiab ua raws li cov cai rau lub khoos kas. ❖

DHS thiab cov chaw sawv cev ua hauj lwm hauv lub nroog yuav txheeb kom paub meej tias cov neeg muab kev pab yeej muaj daim ntawv tso cai thiab kev txawj tsim nyog ua ntej yuav muab kev pab cuam rau koj.

Kev hloov kho tshiab txog Kev Rov Txuas Sij Hawm Tshiab Rau Daim Ntawv Zam rau Lub Khoos Kas Pab Cuam CLTS

Tau ib xyoos dhau los no, DHS yeej tau ua hauj lwm txog kev txuas sij hawm tshiab rau nws daim ntawv zam rau Lub Khoos Kas CLTS. Cov kev zam tso cai rau peb muaj cov khoos kas Medicaid xws li Lub Khoos Kas CLTS. Daim ntawv zam yuav tsum tau txuas sij hawm tshiab thiab tau txais kev pom zoo los ntawm tsoom hwm teb chaws txhua 5 lub xyoos. Daim ntawv zam rau Lub Khoos Kas CLTS yuav tsum tau txuas sij hawm tshiab tsis pub dhau Lub Ib Hlis Tim 1, 2027.


DHS tau qhib txais cov lus xam pom los ntawm niam txiv pej xeeb rau thawj daim qauv ntawv zam no txij Lub Tsib Hlis txog Lub Rau Hli Xyoo 2026. Tam sim no, peb tab tom ua tsab hloov kho qib kawg rau daim ntawv thov kev zam raws li cov lus xam pom uas tau txais. Peb yuav xa daim ntawv thov kev zam qib kawg mus rau peb cov khub koom tes hauv tsoom hwm teb chaws ntawm lub Centers for Medicare & Medicaid Services (CMS) nyob rau lub qab caij ntuj sov no. Tom qab ntawd peb yuav pib siv cov kev hloov pauv hauv daim ntawv thov kev zam ua ntej Lub Ib Hlis Tim 1, 2027. Koj yuav muaj lub hwm tsam los hais txog koj cov lus taw qhia rov qab txog tias seb tej kev hloov pauv no yuav cuam tshuam li cas rau yam uas koj tau ntsib tau pom hauv Lub Khoos Kas CLTS thaum peb muab hloov pauv lawm.

Tau txais cov ntaub ntawv hloov kho tshiab thiab cov ntaub ntawv qhia paub ntau ntxiv hais txog kev txuas sij hawm tshiab rau daim ntawv zam, suav nrog cov ntaub ntawv sua ntsiab lus luv-luv txog cov kev hloov pauv uas xav ua, nyob rau ntawm [nplooj vev xaib Txuas Sij Hawm Tshiab Rau Daim Ntawv Zam rau CLTS](https://dhs.wi.gov/clts/renewal.htm) (dhs.wi.gov/clts/renewal.htm). ❖

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Lus Ceeb Toom: Phau Ntawv Qhia Rau Tus Neeg Koom thiab Tsev Neeg ntawm Lub Khoos Kas CLTS

Cov tsev neeg uas teev npe nkag rau hauv Phau Ntawv Qhia Rau Tus Neeg Koom thiab Tsev Neeg ntawm Lub Khoos Kas CLTS uas piav qhia txog tias seb lub khoos kas ua hauj lwm li cas thiab yam uas yuav tau txais.



Phau ntawv no muaj cov ntaub ntawv pab tau txog:

- Lub Khoos Kas CLTS thiab cov kev txhawb nqa muaj.
- Tus txheej txheem kev npaj phiaj xwm kev pab cuam txog Kev Sib Cog Txiaiv Txim Siab Ua Ke.
- Lub luag hauj lwm thiab kev thaj tsob ntawm tsev neeg thiab pab neeg.
- Cov cai, kev thov kom muab hais dua, thiab txoj hau kev thov kev pab

Cov tsev neeg tau txais Phau Ntawv Qhia Rau Tus Neeg Koom thiab Tsev Neeg nyob rau thawj lub hlis tom qab kev teev npe nkag. DHS xa ib daim ntawv rau koj, thiab phau ntawv kuj muaj nyob online txhua lub sij hawm.

Yog tias koj tshiab rau Lub Khoos Kas CLTS, Phau Ntawv Qhia Rau Tus Neeg Koom thiab Tsev Neeg yog qhov chaw zoo pib. Yog tias koj tau sau npe ib ntus lawm, nws yog ib qho siv tau thaum twg muaj lus nug.


Mus saib [Phau Ntawv Qhia Rau Tus Neeg Koom thiab Tsev Neeg ntawm Lub Khoos Kas CLTS, P-03689](https://dhs.wi.gov/library/collection/p-03689) (dhs.wi.gov/library/collection/p-03689) hauv online, los sis thov dua ib daim ntawv theej los ntawm koj tus SSC. ❖

Lub Khoos Kas CLTS xav tau koj tsev neeg cov dab neeg thiab cov duab!

Tsab ntawv xov xwm Txhua Yam Rau Cov Me Nyuam (All in for Kids) yog muab rau cov tsev neeg. Peb xav nthuav koj cov duab thiab tej kev paub kev pom dhau los rau lwm tus neeg nyeem kom lom zem! Koj tuaj yeem qhia tej yam xws li:

- Kev sib cuag zoo nrog Lub Khoos Kas CLTS.
- Ib qho piv txwv txog tias seb Lub Khoos Kas CLTS tau pab koj tsev neeg los sis tus me nyuam li cas.
- Daim duab los sis zaj dab neeg txog yam dej num uas koj tau nrog koj tus me nyuam ua.
- Daim duab txog tej duab kos los sis lwm yam uas koj tus me nyuam tau ua.

Txawm koj yog tus neeg nkag tshiab rau Lub Khoos Kas CLTS los sis yeej tau teev npe nkag tau ntau xyoo lawm los xij, phau ntawv qhia no yeej yog ib qho cuab yeej muaj txiaj ntsig uas koj tuaj yeem rov qab mus saib tas rov saib dua tau.



Luam theej duab kuv kom tau phau ntawv qhia txog CLTS

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Muab koj tsev neeg zaj dab neeg los sis tej duab xa email mus rau dhscits@dhs.wisconsin.gov uas yog sau lo “All in for Kids” ua ke rau hauv kab npe. Koj kuj tseem puav leej tuaj yeem xa cov tswv yim rau cov dab neeg uas koj xav nyeem hauv tsab ntawv xov xwm tau tib si thiab. Peb tos ntsoov yuav hnov ib lo lus los ntawm koj! ❖

Yog koj tsis pom zoo nrog ib qho kev txiav txim siab hauv Lub Khoos Kas CLTS

Kev muaj txoj kev xav tsis sib thooj yeej yog ib yam uas ib txwm muaj tas li. Yog tias koj tsis pom zoo nrog ib qho kev txiav txim siab txog koj tus me nyuam cov kev txhawb pab los sis kev pab cuam hauv Lub Khoos Kas CLTS, lawv txoj kev muaj cai tsim nyog tau txais, los sis tus neeg muab kev pab cuam uas tau xaiv, ces koj muaj cai thov kom muab hais dua tau. Qhov no txhais tau hais tias koj tuaj yeem thov kom ib tug kws txiav txim plaub ntug rov tshuaj xyuas qhov kev txiav txim siab ntawd dua.

Yog tias koj ntseeg tias lawv tau tsim kam muaj qee yam rau koj tab sis koj ho tsis tau txais Tsab Ntawv Ceeb Toom txog Kev Nqis Tes Ua Yam Uas Tsis Zoo (NOA), ces koj tseem muaj cai tau txais ib daim. Daim NOA yuav piav qhia txog qhov kev txiav txim siab thiab muab cai rau koj thov kom muab hais dua. Yog tias koj xav tias koj yuav tsum tau txais ib daim tab sis ho tsis tau txais, ces thov kom koj tus SSC los sis lub chaw sawv cev ua hauj lwm uas muab cov kev pab cuam hauv Lub Khoos Kas CLTS xa ib tsab tuaj rau koj.

Txhawm rau pib tus txheej txheem thov kom muab hais dua:

Xa ib daim foos thov los sis sau ib tsab ntawv. Sau daim foos thov lub rooj sib hais los sis sau ib tsab ntawv piav qhia tias vim li cas koj ho tsis pom zoo nrog qhov kev txiav txim siab. Nco ntsoov kos npe thiab sau hnuv tim rau daim ntawv thov.

Xa daim foos los sis tsab ntawv ntawd mus rau Division of Hearings and Appeals. Qhov chaw nyob yog:

Division of Hearings and Appeals

P.O. Box 7875

Madison, WI 53707-7875

Los sis xa email mus rau DHAMail@wisconsin.gov

Lub Division of Hearings and Appeals yuav ceeb toom rau koj thaum uas lawv teem tau lub sij hawm rau koj lub rooj mloog kev ncaj ncees lawm.

Hais txog rau cov ntaub ntawv qhia paub ntau ntiv txog kev thov kom muab hais dua los sis txhawm rau nrhiav daim foos, mus saib [nplooj vev xaib Thov Lub Rooj Sib Hais](https://doa.wi.gov/RequestAHearing) (doa.wi.gov/RequestAHearing).

Nws yog ib qho tseem ceeb uas yuav tsum paub tias kev ua ntawv thov kom muab hais dua tsis yog ib qho phem. Nws tsuas yog ib txoj hauv kev los daws kev tsis sib



Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

haum xeeb thiab kom paub tseeb tias koj tus me nyuam cov kev xav tau raug txiav txim siab tag nrho. Txheej txheem thov kom muab hais dua nyob ntawm no los txhawb nqa koj yog tias koj xav tias ib qho kev txiav txim siab txog kev them nyiaj pab yug me nyuam thiab kev pab cuam tsis yog rau koj qhov teeb meem. ❖

Cov peev txheej muaj txiaj ntsig rau tsev neeg

Kev npaj kom txhij rau kev mus kawm ntawv pub dawb rau cov me nyuam uas muaj 4 xyoo

Governor Evers, nrog rau Wisconsin Department of Children and Families (DCF), tau pib qhov Get Kids Ready, uas yog Wisconsin thawj lub khoos kas kev npaj txhij rau kev mus kawm ntawv uas tau nyiaj pab los ntawm lub lav rau cov me nyuam uas yuav muaj hnuv nyoog 4 xyoo rau los sis ua ntej Lub Cuaj Hlis Tim 1, 2026. Los ntawm qhov kev pib tshiab no, cov chaw pab zov me nyuam uas muaj kev qhia txog kev npaj txhij rau kev mus kawm ntawv uas tau txais kev pom zoo yuav tau txais nyiaj los ntawm lub lav, thiab cov tsev neeg uas koom nrog yuav tsis tau them nqi rau lub sij hawm ntawd. Lub khoos kas no yuav pab cov me nyuam tsim cov qauv tes uas lawv yuav tsum muaj los kawm kom tiav hauv qib kindergarten thiab tom qab ntawd, suav nrog kev kawm, lub cev, kev sib raug zoo-kev xav, thiab kev pab tus kheej.

Kawm ntxiv ntawm Wisconsin Department of Children and Families [nplooj vev xaib rau Get Kids Ready](https://dcf.wisconsin.gov/getkidsready) (dcf.wisconsin.gov/getkidsready).

Kev mob puas siab puas ntsws thiab kev mus kawm ntawv

Lub Wisconsin Office of Children's Mental Health (OCMH) tau tshaj tawm ib daim ntawv qhia qhov teeb uas piav qhia txog tias seb cov meem fab mob puas siab puas ntsws yuav tuaj yeem ua rau muaj kev qhaj ntawv li cas, thiab seb kev qhaj ntawv tas li yuav tuaj yeem ua rau muaj kev txhawj txob, kev nyob ua neeg twm zeej, thiab kev ntxhov siab fab kev kawm tau li cas. Kev tuaj kawm ntawv tsis tu ncua yuav txhawb pab kom muaj txoj kev kawm, kev sib raug zoo, thiab kev noj qab nyob zoo mus ncua sij hawm ntev, thiab cov tsev kawm ntawv uas muaj cov kev pab cuam zoo rau cov tub ntxhais kawm yuav tuaj yeem pab cov tsev neeg daws cov teeb meem kev tuaj kawm ntawv tau.

Nyeem [daim ntawv qhia qhov tseeb txog Kev Tuaj Mus Koom, Kev Qhaj Tas Li, thiab Kev Mob Puas Siab Puas Ntsws \(PDF\)](https://children.wi.gov/Documents/ResearchData/OCMH%20Fact%20Sheet_October%202025_Attendance%20Absenteeism%20and%20Mental%20Health.pdf) (https://children.wi.gov/Documents/ResearchData/OCMH%20Fact%20Sheet_October%202025_Attendance%20Absenteeism%20and%20Mental%20Health.pdf).

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.

Office of Children's Mental Health: Daim Ntawv Qhia Qhov Tseeb Txog Kev Txhawb Pab Cov Me Nyuam Uas Muaj Kev Xiam Oob Qhab

Lub Office of Children's Mental Health tau ua tawm ib daim ntawv qhia qhov tseeb txog yam uas peb lub xeev tab tom ua los txhawb nqa cov me nyuam uas muaj kev xiam oob qhab. Nws suav nrog cov npe ntawm tej yam uas cov neeg tsim cai, cov neeg muab kev pab, cov zej zog, tsev kawm ntawv, thiab cov niam txiv/neeg saib xyuas tuaj yeem ua los pab cov me nyuam thiab lawv tsev neeg. Rub [daim ntawv qhia qhov tseeb txog Kev Txhawb Pab Cov Me Nyuam Uas Muaj Kev Xiam Oob Qhab \(PDF\)](#) (children.wi.gov/Documents/ResearchData/OCMH%20Fact%20Sheet_July%202024_Supporting%20Kids%20with%20Disabilities.pdf). ❖



Koom nrog peb daim ntawv teev npe xa email

Sau npe kom tau txais tsab ntawv xov xwm no hauv es lev thaus niv thiab lwm yam email hais txog Lub Khoos Kas CLTS.

1. Mus rau [nplooj vev xaib Teev Npe Txais Xov Xwm Hauv Email txog Medicaid Txoj Kev Saib Xyuas Mus Ncua Sij Hawm Ntev](#) (dhs.wi.gov/dms/ltc-email-signup.htm).
2. Kiv nqis mus rau npe Children's Long-Term Care Subscription List Topics (Cov Ncauj Lus Ntawv Teev Npe Rau Kev Saib Xyuas Kho Mob Ncua Ntev rau Cov Me Nyuam Yaus).
3. Xaiv CLTS Information for Families and Participants (Cov Ntaub Ntawv Qhia rxog CLTS rau Cov Tsev Neeg thiab Cov Neeg Koom Nrog).

Qhia koj tsev neeg thiab tej phooj ywg hauv lub khoos kas kom sau npe tib si thiab!

Nrhiav cov ntawv tshaj tawm yav dhau los txog [Txhua Yam Rau Cov Me Nyuam \(All in for Kids\): Lub Khoos Kas CLTS tsab ntawv xov xwm xyoo 2026](#) (dhs.wi.gov/library/collection/AKids26). ❖

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Tsab Cai Hais Txog Social Security § 1915(c) thiab 42 C.F.R. § 440.180.



Txhua Yam Rau Cov Me Nyuam (All in for Kids): Lub Khoos Kas CLTS yog ib tsab ntawv xov xwm luam tawm los ntawm Wisconsin Department of Health Services rau cov me nyuam thiab cov tsev neeg hauv Lub Khoos Kas CLTS.

Lub Khoos Kas CLTS muab cov nyiaj pab los ntawm Medicaid los txhawb pab cov me nyuam uas muaj kev txwv loj vim yog kev xiam oob qhab fab kev loj hlob, fab lub cev, los sis fab siab ntsws kev xav loj heev uas ua neej nyob hauv vaj tsev los sis hauv lub zej zog. Cov nyiaj pab yuav raug siv tau los txhawb pab ntau yam kev pab cuam uas saib raws li kev ntsuam xyuas txog tus me nyuam thiab tsev neeg tej kev xav tau tshwj xeeb thiab cov hom phiaj los sis cov txiaj ntsig uas teev tseg. Hais txog rau cov ntaub ntawv qhia paub ntau ntiv, mus saib dhs.wi.gov/children/index.htm.

Para leer este boletín en español, visite dhs.wi.gov/library/collection/AKids26.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/AKids26.

Rau lwm hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, සමාජ, Français, Polski, हिंदी, Shqip, Tagalog, Soomaali): 608-266-5508.